

Morning Regional Dogri News Bulletin, 04 April 2024

मार्निंग डोगरी न्यूज़ बुलेटिन, समें. 09.20 Hrs

<><><><><><>

Headlines

- राश्ट्रीय सुरक्षा सलाहकार अजीत डोबाल होरें आखेआ ऐ जे आतंकवाद दी कवैत दा मकाबला करने लेई दोहरे मानकें-पैमाने गी छोड़ना होग।
- चुनावs आयोग नै औंदे लोकसभा चुनावं दे सिलसिले च सब्बनें राज्यें ते केंद्र शासित प्रदेशें दे मुख्ख सचिवें ते पुलस महानिदेशकें कन्नै बैठक लाइए कन्नू बवस्था ते सुरक्षा स्थिति दी समीक्षा कीती।
- कल जम्मू च कुष्ट आश्रम च रौहने आहले ते दिव्यांग मतदाताएं गी वोट दे महत्व ते मतदान दे अधिकार बारे जागरूक कीता गेआ।
- उपराज्यपाल मनोज सिन्हा होरें श्री माता वैष्णो देवी श्राइन बोर्ड दी 72मीं बैठक दी अध्यक्षता कीती। बोर्ड दे केई विकास कम्में ते महत्वपूर्ण फैसलें पर सोच विचार कीता गेआ।

<><><><><><>

Ajit Dobal

सरकार नै आखेआ ऐ जे मीडिया रिपोर्टें राएं फैलाई जा रदियां दोआइएं दियां कीमतां बधने बारे खबरां भलेयां झूठियां ते लोकें च भ्रम फैलाने आहिलियां न। केंद्री सेहत मंत्रालय नै आखेआ ऐ जे इस रिपोर्ट मुजब 500 कोला मती दोआइएं पर कीमतां बधने दा असर पौग।

उनें आखेआ जे ऐसियां खबरां झूठियां ते ऐन गै, सगुआं गलत नियत कन्ने फैलाइयां जा'रदियां न। मंत्रालय नै आखेआ जे दोआइएं दे थोक भाह औषधि मूल्य निर्धारण प्राधिकरण हर बरे तैह करदा ऐ ते थोक मुल्ल सूचकांक दे तैहत तरमीम करदा ऐ। मंत्रालय नै आखेआ जे 782 दोआइएं दे भाएं च कोई बदलाव नेई कीता गेआ। शड़ी 54 दोआइएं पर इक पैहे जिन्नी ममूली बाददा कीता गेआ ऐ।

<><><><><><>

Election-Commission

चुनांस कमीशन नै सब्बै राज्यें ते केंद्र शासित प्रदेशें दे मुख्ख सचिवें ते पुलस महानिदेशकें गी अवैध शराब, नकदी, ड्रक, हथियार ते मुफ्त समेयान दी आमद गी रोकने लेई अंतरराज्जीय ते अंतरराष्ट्रीय बन्ने पर सख्त निगरानी रखने दा हुकम दिता ऐ। कमीशन नै उनंगी 2024 च रमानदारी ते लालच मुक्त आम चुनांस यकीनी बनाने दे निर्देश दिते न। चुनांस आयोग नै कनून बवस्था दी स्थिति दी समीक्षा ते आंकलन करने लेई सब्बै राज्यें ते केंद्र शासित प्रदेशें कन्ने नर्मी दिल्ली च बैठक कीती। इक बयान च आयोग नै आखेआ जे संयुक्त समीक्षा बैठक दा मकसद बन्ने दी राखी हिफाजत करने आहले केंद्रीय एजेंसिएं दे कन्नोकन्नी अधिकारिएं बश्कार आपसी तालमेल ते सहयोग लेई सब्बै सरबंधत हितधारकें गी किट्ठा आहना ऐ। बैठक दी अध्यक्षता मुख्ख चुनांस कमीशनर राजीव कुमार होरें चुनांस कमीशनर जानेश कुमार ते सुखबीर सिंह संधू हुंदे नै कीती।

<><><><><><>

Person with Disabilities Voters

स्वीप पैहलकदमी दे इक हिस्से दे तौरा पर कुष्ट आश्रम भगवती नगर जम्मू च कल इक जागरूकता अभियान चलाया गेआ। आकाशवाणी जम्मू दे संवाददाता दी जानकारी मुजब इस अभियान दा मकसद दिव्यांगजनं ते उत्थे रौहने आहलें गी आंदी लोकसभा चुनांs दी चुनावी प्रक्रिया बारै जानकार बनाना हा। स्वीप दे नोडल अधिकारी डॉ. विकास शर्मा ते दिव्यांगजन मतदाताएं लेई नोडल अधिकारी ममता राजपूत जेड़ियां जिला समाज कल्याण अधिकारी बी हैन, इस कार्यक्रम च हिस्सा लैता ते लोकें गी भारतीय चुनांs आयोग आस्सेआ कीते जा रदे जत्नें बारै बी दस्सेया-दसाया। स्वीप टीम नै हाजिर लोकें गी मतदान केंद्रें पर उपलब्ध सहूलतें दे कन्नोकन्नी घरें थमां वोट पाने दे विकल्पें बारै बी जानकारी दिती। इयै नेया इक होर सत्र बुजुर्गें ते कमजोर लोकें लेई वृद्ध आश्रम च लोआया गेआ जेदे च चुनावी प्रक्रिया च शामिल होने ते वोट पाने दे महत्व बारै उनेंगी जानकारी दिती गई।

<><><><><><>

J&K-MCC

आदर्श आचार संहिता दे लागू होने दे बाद थमां गै समूलचे जम्मू-कश्मीर च चुनांs सरबन्धी अमला ते संस्साधन, चुनांs आयोग दे दिशा-निर्देशों मुजब कम्मै पर लग्गे दे न ते इस गल्लै गी यकीनी बनाया जा'रदा ऐ जे आदर्श आचार संहिता दी पूरी सख्ती नै पालमा कीती जा ते एहदी कुतै-कुदरै बी खलाफवर्जी नेई होऐ। एहदे तैहत कीती जा'रदिएं कार्रवाईए च फलाई स्कांडें 12 जहार 963 थारै दा जिंदे च सरकारी इमारतां, सॉजनिक ते प्राइवेट संपत्तियां बी शामिल न, उत्थूं दा इश्तेयार वगैरा हटाए गेन।

कंदें पर लिखे गेदे 680, 3 ज्हार 320 बैनर, 3 ज्हार 815 पोस्टर ते 5 ज्हार 148 इस्सै चाल्ली दा मटीरियल केंद्र शासित प्रदेश दे 20 बक्ख-बक्ख जिले च हटाया गोआ ऐ।

<><><><><><>

Kathua Liquor

नियम कनून नाफिज करने आली एजेसिएं औंदे लोकसभा चुनाएं दे मद्देनजर आदर्श आचार संहिता तैहत कठुआ जिले थमां नकदी रकम ते शराब गी जब्त कीता ऐ। पूरी तनदेही कन्नै कम्म करदे होई इनै टीमें कठुआ थमां 51 लक्ख 54 ज्हार रपे दी नकदी रकम दे कन्नोकन्नी 39 लक्ख 63 ज्हार रपे कीमत दी शराब बरामद कीती जेदी कुल कीमत 91.18 लक्ख रपे ऐ। एह कारवाई औंदी चुनावी प्रक्रिया दे सिद्धांतें गी कायम रखने दे मद्देनजर कीती गई ऐ। कठुआ दे जिला चुनांस अधिकारी जेदे च उधमपुर लोकसभा हल्के थमां रिटनिंग आफिसर बी ऐन, एह यकीन दोआया जे नियम-कनून नाफिज करने आली एह एजेसियां चुनाएं गी निक्षपक्ष ते पारदर्शी रूपै नै करोआने लेई पूरी तनदेही कन्नै कम्म करा रदियां न। उनै एह गल्ल उजागर कीती जे इयै नेई कारवाहियां गैर कनूनी प्रक्रियाएं पर रोक लाने लेई बड़ी सार्थक न तां जे चुनावी प्रक्रिया च कोई विघ्न नेई पवै ते मतदाता अपने वोट बिजन कुसै बाहरी दखल जां जबरदस्ती दे पाई सकन।

<><><><><><>

J&K Vaishno Devi Board

उपराज्यपाल मनोज सिन्हा होरें कल राजभवन जम्मू च श्री माता वैष्णो देवी श्राइन बोर्ड दी 72मीं बोर्ड मीटिंग दी अध्यक्षता कीती।

बैठक दौरान बोर्ड नै अपने पैहलके लैते गेदे केई फैसलें पर होई दी कार्रवाई ते प्रगति दा जायजा लैता ते बोर्ड दिएं बक्ख-बक्ख विकास सरबंधी पैहलकदमिं दी बी प्रगति रफ्तार ते उपलब्धिं दी समीक्षा कीती जिदे च च यात्रिं दी सुविधा, इंदे लेई उपलब्ध सेवाएं लेई मंजूरी वगैरा शामिल न। बोर्ड दी मीटिंग च प्रमुखता कन्नै 27 एजेंडा आइटमां श्रद्धालुं गी उपलब्ध कराने लेई विचार कीता गेआ। बोर्ड नै जम्मू ब्हाई अड्डे ते पंछी हैली पैड बश्कार हैलीकाप्टर सेवा शुरू करने बारै गल्ल करदे होई बोर्ड नै महसूस कीता जे एहदे नै ना शड़ा श्रद्धालुं गी यात्रा दा नमां अनुभव होग, सगुआं उत्थे आपात स्थितिं च कार्रवाई करने च बी सखाल होग। एल.जी जेडे इस बोर्ड दे चेयरमैन बी ऐन, होरें जारी विकास कम्में गी तौले मुकम्मल करने दे बी निर्देश दिते।

<><><><><><><><>

Khelo India

खेलो इंडिया तैहत खेड्डें गी बढ़ावा देने दे लक्ष्य गी हासल करने लेई लोकें तगर पुज्जिए उनेंगी खेड्डें कन्ने जोड़ने दी जम्मू-कश्मीर खेड्ड परिषद दी पैहल दे तैहत कल रामबन च खेलो इंडिया केंद्रें च कौड्डी, हैंडबॉल ते फुटबाल दे सखेत्रु खडारिं गी खेड्ड किट बंडे गे। सरकारी हायर सेकेंडरी स्कूल बनिहाल दे प्रिंसीपल अब्दुल रशीद गिरी होरें खरीद प्रभारी मलिक जफर ते नोडल अफसर खेलो इंडिया हुंदी मजूदगी च एह किट भेंट कीते गे।

इस मौके पर आकाशवाणी कन्नै गल्ल करदे होई खेलो इंडिया जेएण्डके स्पोर्ट कौंसल दे कार्जकारी अफसर माजिद युसफ होरें आखेआ।

<><><><><><>

Nomination-Filing

26 अप्रैल गी होने आहले लोकसभा चुनाएं दे दुए गेड़ लेई जम्मू लोकसभा सीट थमां चऊं होर मेदवारें कल अपने नामांकन पत्र दाखल कीते। आकाशवाणी जम्मू दे संवाददाता दी जानकारी मुजब इनें मेदवारें च जम्मू-कश्मीर पीपल्स कांफ्रेंस थमां रतन लाल, आजाद मेदवार दे तौर पर अतुल रैना होर, जम्मू कश्मीर पीपल्स कां्रेंस दे कवरिंग मेदवार दे रूप च रूप कृष्ण डार ते हिंदोस्तान शक्ति सेना दे गणेश चौधरी होरें रिटर्निंग आफिसर दे दफ्तरें च अपने नामांकन पत्र दर्ज करोआए। इनें चऊं मेदवारें दे नां दर्ज करोआने कन्नै जम्मू लोकसभा हल्के थमां नामांकन पत्र दाखल करने आलें दी कुल गिनतरी हुन 17 होई गेई ऐ। उआं नामांकन पत्र दाखल करोआने दा खीरला ध्याड़ा अज्ज दपैहरी 3 बजे तगर ऐ।

<><><><><><>

Chief-Secy.

मुक्ख सचिव अटल डुल्लू होरें कल केई सहकारिता इदारें दी कारकरदगी दा जायजा लैता जिंदे च सहकारिता बैंक, समितियां, सुपर बजार ते होर दुए संस्थान शामिल न जेड़े जम्मू-कश्मीर च सहकारिता विभाग तैहत कम्म करा करदे न।

मुख्य सचिव होंरें इस दौरान सहकारिता बैंकें, सहकारिता सुपर बजार, कृषि सहकारिता समितिएं ते होर दुए तालीमी ते सिखलाई संस्थानें दी कम्में-कारवाइएं ते उपलब्धिएं बारें तफसीली जानकारी हासिल कीती मुख्य सचिव होंरें सहकारिता बैंकें च पैहले दे मकाबले मजूदा समें च आंदे गेदे बदला ते बेहतरी बारें तफसीली जानकारी बी कीती ते उंदिएं ठोस ते माली उपलब्धिएं दी समीक्षा कीती। उनें तैह योजना तैहत ठोस कारवाई करने लेई बी आखेआ। उनें किश बैंक शाखाएं च कोर बैंकिंग सोल्यूशन यानि सी.बी.एस साफ्टवेयर उपलब्ध नेई होने पर ऐतराज जताय। उनें सुपर बजारें च बी आधुनिक तकनीकें ते तरीकाकार अपनाने पर बी जोर दिता तां जे इनेंगी सहकारिता दी मनाफाबखश संपत्ति बनाया जाई सकै।

<><><><><><>